

鄂時創設釐局亦用紳而斥官吏皆此意也方今海禁大開民智漸啟一切積弊概從前洗維新之政漸布寰區而胥吏一途或猶蔽於整頓之艱而苦於改隨之無術豈知天下士人固猶可勵以廉隅而舉以爵祿哉通也同也公也此善敗之關而破除文法捐棄私利之本也吾是故懸七利以祛七害而竊願治天下者知所從事也

巴陵增生郭鵬等籌辦學堂稟并批

岳州府巴陵縣增生郭鵬等為學堂籌款惟艱稟請 恩准於岳州出口穀米雜糧釐金附抽數文以為常年經費事竊生等前月稟請變通書院推廣學會沐 批札行岳州府縣集紳商辦在案仰見 憲台作育人材開通民智之至意惟是地瘠民貧首難籌款羣儒仰屋束手與嗟伏查岳州為湖南門戶出口貨以穀米雜糧為大宗每歲若逢暢旺其數將及五百萬石有餘運至漢口銷售價低時每石得錢三千七八百文昂時四千數百文而完釐則每石僅抽三十餘文約合每百抽一之數其釐金可謂極輕矣聞前撫憲吳創設求賢書院及各書堂亦於此中加抽數文以為經費集腋成裘取少用宏出之販戶而無傷歸之學校則有益生等再四商籌擬請援照前例於岳州出口穀米雜糧項下每石附抽數文專提為學堂學會之用每年按季由釐局解繳府縣轉發辦事公正紳士收存開支造冊報銷由府縣代詳 憲署核辦以重公款而昭實用理合具呈為此公懇 大人俯賜批准札飭釐局議定附抽章程擇期舉行實為德便上呈 大陳大中丞批

據稟已悉查湘中運售出境土產以穀米為大宗而穀米雜糧釐金較他省尚為輕減本部院曾於光緒二十一年因災請免嗣因歲事豐稔始復 奏請抽收仍較舊章減收十分之二茲該增生郭鵬等以請照前院吳加抽求賢書院各善堂經費之例於岳州出口穀米雜糧釐金內每石附抽數文專提為岳州時務學堂之用出之販戶則無傷歸之學校則有益等語聯名具稟前來自是為維持大局起見查岳州常湖鄂之交商民雲集前准總理衙門咨行已允在該處設立通商口岸事當創始風氣未開全在地方公正明白紳講明約章開通民智一化從前拘泥歧視積習俾主客永遠相安尤須傳習多師捐棄空文講求實學預備特科歲舉之材現在迭奉諭旨飭各省設立時務學堂人材所繫亦即觀聽所歸自宜從速舉行以資勸導現既無別款可應急需事又未可延緩所請附抽岳州出口穀米雜糧釐金以為常年經費之處但使於食戶販商不至受病飭由岳州府縣與該處釐局察核情形平實辦理當屬可行仰董金總局將省城熊紳希齡等所稟併案核議果無窒礙即將

劃歸岳州分數及給領支銷章程一併詳覆核奪再行飭遵稟發仍繳

續錄大挑知縣名單

- 山東 李郁清 孔廣春 傅兆榕 于銘訓 李為衡 王鑾笙 楊毓春 高徽嶼 鹿紹庭 郎郡璋
- 劉兆庚 李景沅 李樹培 孫星甫 李翰吉 王文臣 于仲瀛 時克開 李鍾嶽 李沂曾 方民臺
- 孔廣達 張鈞 王通善 燕丕遠 孔慶晃 李壽震 王一鶴 李 銑 ○山西 高國佐 張文耀
- 常佩綸 張祖配 張洪造 王履端 趙若愚 張清宜 楊同高 丁體仁 張泰純 李繼訓 樊遇丁
- 楊克烈 李繼韓 張子漢 張秉倬 侯帶經 楊得祐 張明遠 婁呈瑞 劉 溥 蓋仲惠 潘培蘭
- 趙本寬 段 鎮 鈕承弼 王祝三 焦元聲 ○河南 汪洪鈞 劉福昌 陳錫祜 成金壽 田芸生
- 張樹桐 蔣亮熙 陳麗生 蕭紹鄧 李鎮南 李綏卿 杜寶三 萬雲翱 李煦炳 王海峯 王寶森
- 呂林鍾 許辰田 王夢吉 魯 晉 孔繁翰 申文銘 顧 珽 曹光煥 周 圻 張廷霖 張守基
- 張如燕 ○陝西 柯益恭 張元義 王家賓 余鼎鏞 李景晉 張繼宗 趙賈芳 耿鍾慶 呂景防
- 李祥森 康秉禮 陳丹墀 王 鎬 尤 智 ○甘肅 顏觀宸 劉永綬 劉步瀛 王贊勳 高明德
- 徐錫章 顏學序 孫積善 魏鴻儀 ○四川 房星東 蒲 輪 張樹勳 薛全善 陳美灝 傅迥瀾
- 鄧璧光 張子謙 吳昌杞 吳開南 謝緒綱 龔澤培 董玉璋 馬 楨 賀昌祺 蒲秉坤 劉漢雲
- 米仁粟 郭榮先 陳介白 趙宗獻 解鳴珂 樊光斗 藍光第 黃金紗 蕭岳崧 袁 鵬 黃行簡
- 賀倫修 馮秉經 ○雲南 楊恩錫 王家彥 劉翊運 旃 焯 朱秉仁 李錫增 劉宗澤 湯觀衡 鄭文濂
- 凌邦燮 張應爵 蘇桂芬 馬向慶 劉必蘇 寇 珩 朱秉仁 李錫增 劉宗澤 湯觀衡 鄭文濂
- 鄧希瑞 ○貴州 蕭子鑑 蔣燮琦 李學泮 孫 焯 梅汝葵 譚西庚 王崧壽 黃瑩書 馮元亮
- 譚沛霖 后 贊 潘起鏞 柳元翹 趙 熾 吳懋春

論中國財賦情形○蒲明恩稟報云吾人於中國借債所當格外留神者以其最關各邦交涉凡各國不憚遠來無非思其國權或欲沾其利益當中國頭次賠償日本兵費時法比俄德諸國慨然羣起願代籌措以顯其交誼之睦即我英亦不謂無友愛之誠呼利借款一節時有所聞忽而中止然其議尚未寢也刻下中國諸形支絀眾所週知設非借貸債勢必設法增稅增稅則有碍商市故各國之留心商務者皆為預防日本索賠

費如此其勤因欲有所措辦故此舉於還款及受款之家均有絕大關係查中國所賠兵費并遼東贖款計共英金三十七兆二十七萬五千磅彼時中國無項可措祇得借諸外邦適承法國立允惠假并蒙俄廷代為擔保法既能獲利于前俄復得居功于後正合兩國聯盟之局厥後德國繼起又貸中國一欸按以上二欸均以海關稅項作抵由是而觀中國最大利源已入他人手矣中國雖經承借兩次賠款仍未清償尙欠十六兆磅約以明年五月內清款否則須加重息此事在歐洲各國應如何辦理自知權其損益但中國習性疲懦往往不願延受虧耳今我英如欲借與中國自須先計其財力如何勿得輕聽泰晤士報會論及此一節云中國理財不知與外邦如何交涉如欲假與鉅款非要其割地典質則必責其稅賦抵押中國海關一項利厚而可靠是以德法兩國取以爲質但此外中國財力尙自優裕所以弗克取信外邦由其理財不善理財不善由其專責無人祇聽各地方官任意擅報遂至征收溢額輪庫無幾此與泰西財政大不相侔泰西理財之法通一國之財力專責成而嚴核實故不論何時何地如欲計其所征明如指掌此是西法欲求中國如是難矣中國權無專責征收官吏各惟其私財貨不通其在內地各省于理財賦民之政不但不依泰西善法即有人告以此法彼且嫉惡而唾棄之也總之中國釐稅征求無厭漫無可稽故于通商實多窒礙按照通商條約海關稅各有定章本云進口稅後許其通行內省而何以關稅已征各省內地又創釐金一名甚至約章所載洋貨運界內亦要稅上加釐此不特有害通商外邦即中國亦何曾得其利益耶中國惡外人干預並不願借外人相助之力者指不勝屈而最者莫如兩端類如開採礦產擴充鐵路是也前中國議造鐵路某員曾向法商借款由洋人胡羅斯經手後又有某員向比商告貸將已成議於此中國之權無專責亦可概見中國近時頗知鐵路之利然難冀其蒸蒸日上者實由把持其事者實繁有徒動輒掣肘致碍大局南方各省展布既難北方一帶獨攬亦匪易滿洲鐵路不自建遺俄人即要代庖彼俄欲侵其東方之權昭然已著我英斷不效其故步但不解中國奚不自造吾嘗揣之中國習故已久一旦政府議與鐵路地方官必與爲難此輩塞國家利源豈爲淺鮮中國國家歲入大者尙有三項地丁鹽課藥稅如歸其國家妥善經營皆可擴充利益即以之典質洋債外邦亦視爲穩實唯查中國所征三項寥寥無幾殊屬不解以中國之北京與印度之錫羅屈閣較之北京固豐饒于錫者也而其地鹽課不及錫四之一者何與至于土產鴉片較印度運來洋藥計有六倍之多然其所征土稅有名無實尤可怪也今中國如欲振興恢復第一事自是開拓利源然開利源又必須先借洋債爲母洋債爲母必先籌穩實質德則各國無不踴躍

願借後此或冀財力日盛可期一日自立果能有進步誰敢凌侮之哉彼踞莫大國土民勤物博然束手相顧徒與仰屋之嗟可謂無具甚矣 錄國聞報

東亞報啓

日本寄稿

- 一邇來支那積弱民生窘阨疆圉崩離他族逼處四億萬種類有爲奴之恫二千年教宗有絕紐之歎東亞時局且夕可憂爰集同志倡設報館首以振發中國爲主義博采通學廣譯新聞使朝野洞窺洞達昭晰識時之士有所觀感故名東亞報
- 一倣司馬遷撰史記列傳之例以 孔子春秋紀年弁諸卷首使東亞人士咸識儒教之尊光緒某年月日亦附誌於下
- 一本館主筆擇有志經世之士撰著論說以振興中國啓發東邦衛理昌教開新智識爲己任至提唱推行則海內魁傑與有責焉
- 一譯東西文報分目有五一日宗教以提倡 孔教爲宗旨凡漢學教派教會教報傳教章程例案及東西人士著述贊頌儒教論說隸焉二日政治凡五洲時事條約瑣聞議院國會外交內政之屬隸焉三日法律如羅馬律拿破崙律萬國交涉公法私法吏戶禮兵刑工約章因革之屬隸焉四日商務凡商學地志種植紡織茶業華洋物產販運比較工匠商輪賽會之屬隸焉五日藝學凡天文地輿算學聲電光化瀛重礦醫格致之屬隸焉
- 一本報編譯得日本人士勸助所譯地名悉照胡文忠內府輿圖兼博攷中外圖書務臻妥善譯人物等名均用中國官音不雜以異域方言庶讀者易悉
- 一本報原爲救時而設選擇報文與時局關切者直言毋隱不事諱飾至月且時事臧否人物悉照原文毫不點
- 一東西各報或有市虎說傳道聽塗說者本館每月出報三次不比日報之匆促尙多餘暇可以采訪務當鄭重選擇實事求心
- 一本報別增一類名經世文選做昭明文選例凡詔諭奏牘論序議策采有闢實用維新世運者附錄一切迂腐雜文概不登載

一凡東西學人顯門名家著述新說等成一集彙選本館可代附刊其端以答宿學之鑄而鑿天下之望
 一報末附譯東亞及歐美新說要書二種每種二卷每種至數月則衰然成帙可作攷鏡之資
 一本報因本館長勤明句讀每月刊布三次每冊約三十餘葉
 一本館除辦報外兼譯商務各種要書以餉同志經稟中外 官憲存案凡刊報與譯印書籍不准外人翻刻及
 改換面目如違究辦

右報館刊印凡例

一本館設總理一人撰述二人編譯三人編校二人司事一人書寫六人雜役若干人
 一局中各位在館時刻辦事規矩均另議詳細節目各人遵守
 一本館專員創始一切費用概從節省異日或有損益隨時登報
 一本館公舉股實可靠者經管銀錢以昭妥慎
 一月中出入各帳每月有清結歲暮另列總結以徵信實
 一本館辦事各位姓名均登錄報中惟凡經手銀錢購買器物以本館憑單為實如無單據即是各位私事與本
 館無涉

右報館辦事規條

一現備香款一萬五千圓所印書報照價賤售此舉原為開風氣廣見與射利者迥別識者亮能察之
 一本報折騰者每冊實價一角五分定閱全年者報費四圓中國南洋美洲同價逢閱月照加郵費俟出報日另
 議
 一外埠紳商肯為本館派報者名作分局照閱報費贈銀二成作為經理人酬俸滙款在內不得另索報價及酒
 資等事其遠方派送未及者請先致函訂定當照數郵寄
 一各處閱報之費本館印有收單由各地代辦人交給為憑
 一各埠代派本報住址均列在報尾諸君檢閱便可向購
 一日本報東方要術萬國時務電報飛輪船至華三日可達較中國訪事尤為迅速本館特設神戶內海岸二
 丁目二十一番諸君欲購閱者請寄函本館當即照寄又上海大馬路大同書局知新報分局均可代為訂定

右報館集款章程

滬北中西義塾○滬北雍君憲章創設中西義塾在新開相近招寒峻子弟讀書具稟於盛杏蓀京卿當奉
 批示云據稟在滬北新開一帶設立中西義塾四所專收貧苦子弟延請中西教習分班教讀用以培植寒素造
 就人才其此盛心深堪嘉尚本大臣無地方之事未便給示曉諭該董憲章即以此批錄示塾徒同相勗勉可
 也如三年期滿學徒業有進益准其挑送南洋大學堂聽候考選肄業以資激勵仰即遵照此批 錄滬報
 粵東亂耗○西禮拜四本館接到粵東來書云今粵東北境與福建南境鼓動異常洵洵若叛設使時事一
 變必成星火燎原又云各等旄旗繡以謀叛之詞現於勸村竟已四豎此旗建於深山之中多有製造鎗砲局火
 藥局以便舉行謀叛之徒不下四萬眾 錄國聞報

學生梗化○湖北經心書院前日有肄業生在講堂手執課程請教於天文分教師葉君隨意嬉笑師以其
 全無禮貌旋將課程本撤落並加申斥數語而堂上眾生居然同聲一闕幸總教師再三挽勸始散然至今尚未
 上堂肄習論者謂近日各省學堂習染太深無一生徒能尊師重道而大憲均以經費難籌栽培不易格外優容
 以致各學生夜郎自大藐視師長將來若不定章程吾恐此等生徒日習驕淫縱學業有成而教化無聞亦安
 能望其忠君親上執干戈以衛社稷也噫 錄大公報

創設學社○江西候補典史李瑞庭少尉印榮植浙之四明人也自幼習實素抱大志後乃折節讀書屢試
 不得志乃援例納粟報捐末秩宦游江省十有餘年於章貢之風土人情無不瞭如指掌去歲奉檄攝理上猶典
 史鈐務見該處地瘠人貧小民狃於故習不知學計美利難興乃著樹藝說一篇以為民勸一時傳誦人口今歲
 春間卸事回省聞 聖天子有特設經濟科之旨於是力圖自奮邀集同志宣通稟各憲請於省會創設奮志
 學社專意講求吏治時務實在學問撫德靜山中丞大加賞識用錄其稟批於左竊當 國事孔艱之際正臣
 工急思圖報之時卑職等備員末秩報稱無由而一息尚存自當勉矢微忱為河海細流之助近來恭讀 上
 諭開設經濟特科誠屬破格旁求之至意亘古罕逢之曠典也凡屬臣工宜何如仰體 皇仁儲才待試卑職等
 情殷報効而媿之寸長自願集資創設奮志學社講求吏治時務實在學問社中擬集首創同寅六七人以爲觀
 摩地步每月一課仰求 憲台命題評定甲乙不給獎賞卑職等為仰體 聖諭講求吏治時務起見不敢自安
 鄙陋愚昧之見是否有當伏乞鈞訓祇遵批 據稟創設學社以講求時務吏治按月命題考課分別等第其志

可嘉仰布政司會同按察司體察情形悉心確核妥議詳奪此錄 錄憲報

東艦西來○日本報云日本常備艦隊久駐橫須賀軍港清人歌河上之詩壯士與脾肉之軟頃聞海軍府擬飭令該艦隊前赴朝鮮及中國沿岸現在各艦皆準備軍糧煤炭期東歷四月二十一日整頓旌旗磨礮器械進發東京灣在九州地方試演武操者泊長崎而後肅隊前往朝鮮及中國沿岸又此行擬率魚雷船數隻其快絕可想見矣 錄漢報

英取威海緣起○北清日報載俄國索租旅大一節事為英國政府所聞即飭該國駐北京公使麥古度那魯度氏謂恭王曰俄人所要各款宜極力拒絕恭王答曰中國積弱勢不能拒亦貴國所知也如蒙貴國政府愛護所貴國政府向俄廷緩頰可也英使即以此意轉達該政府即傳命駐俄某公使方向俄廷詰問不應乘人之危威逼中朝所索各款自應作為罷論正相持之際而俄廷已得中朝確實回信所索各款已蒙中國大皇帝允允矣俄政府即以此回覆英使英使驟聞此信不覺暗焉若喪遂電稟該政府怒中國執政者不俟公使回信遽爾許即許之又不相問是欺我也豈欺我不足為中國患哉况德取膠州俄取旅大我何不能取威海乎於是遂定取威海之約至是中國亦莫之敢違 錄蘇報

- 捐助南學會書籍題名
- 善化皮錫瑞捐入
 - 湖南通志
 - 柳文惠公全集
 - 邊事彙鈔
 - 孝經鄭注疏
 - 善化黃 膺捐入
 - 皇清經解
 - 不備足會續題名
- 御批通鑑輯覽 林文忠公政書 讀史大畧
- 十駕齋養新錄 郝氏爾雅義疏 李貽德賈服注輯述
- 小學集解 師伏堂駢文 經訓書院自課文
- 尚書大傳疏 以上十四種
- 書目答問
- 譚耀康字小安湘鄉人 周煦延字汝霖湘鄉人 彭夢得字心葵湘鄉人 胡子清字少潛湘鄉人
- 徐善基字鼎銘湘鄉人 胡名溢字 長沙人 解養政字 長沙人 陳顯周字樂善瀏陽人

施送時症藥粉

近夏陰雨潮濕時冷時熱以致病邪著於經絡分布三焦瀰漫神識非若風寒外邪亦非停滯裏症故發散消導辛溫即犯劫津之戒與傷寒六經大不相同余現臨視此症類皆時躁時昏熱如火灼有汗不解間有寒似戰慄舌苔黃白灰黑不一小便熱而短赤或赤色所擬藥方均得隨手奏效因念貧苦之人醫藥無資殊為憐憫是以不惜工資製備藥粉臨症施送取富救貧藉為濟世之一助爾

伍家井谷華堂羅叔勤啟

經濟書局

開設長沙省南陽街刻印兌換經史子集時務算學輿地各種書籍格外公道發售

重刻鄒徵君遺書

先生算學匯通中西皇輿恆星各圖尤稱精善惟家藏本印行甚少購致頗難本莊詳加校對重付刻刷以便學者費曾股票百張先廣銷路準於六月成書寄省城三味局崇德堂及各書坊出售

竹映書莊謹啟

維新書局

開在湖南省城南正街專辦官板中西史志交涉公法輿地算學及各種格致圖籍擇期開張

新 恆興祥茶號

開設省城柑子園口專辦各種名茶發客童叟無欺其價格外公道凡賜顧者請認本號招牌為記庶不致誤

若水齋古今算學書錄八卷 計四本價洋九角要者請至黎家坡劉宅購取可也

印送不纏足歌

凡欲閱者請至南正街翁宅領取

四月十三日日用各物時價表

物名	每實	價值	比較	物名	每實	價值	比較
綠	兩平	一千二百四十文		黍	每串十斤	七錢五分	湘平 九百十八文
上白米	石	七錢四分四厘		次白米	石	七錢九分六厘	
中米	石	一千五百五十五文		河東谷	石	一千五百五十二文	三千二百五十五文
河西谷	石	一千二百四十四文		灰	百斤	一千二百斤	一千六百四十文
洋粉	包	一千七百文		淮鹽	百斤	四十五文	四十五文
茶油	百斤	六兩八錢		菜油	百斤	五十六文	五十六文
牛油	百斤	一兩八錢五分		桐油	百斤	六兩	六兩
蠶豆	百斤	一百二十八文		粟米	百斤	壹千文	壹千文
中棉花	百斤	六百五十文		上棉花	百斤	十六兩六錢	十六兩六錢
三印新表	石一百四十四刀	十六兩三錢		下棉花	百斤	十六兩六錢	十六兩六錢

李官歌

丁憂知縣李大令向柳山東人宦湘多年堅苦卓絕任邵陽時民鑄鐵碑頌之卡中丞保府循良蒙傳旨嘉獎而臨湘民尤感戴如孺子之於慈父母焉此歌乃其邑人吳傑作也中多言吏治事特錄之

臨湘百姓時氣好 往年的李官又來了 我上長沙見陳撫台 撫台講起李官來 他說李官做官好 本該升府又升道 為你們臨湘要好官 要儘他來做一番 我說大人你好恩典 要李官來做臨湘縣 臨湘報恩報不來 家家替你立個恩主牌 擡台聽了呵呵笑 好官真果人人要 這個李官我久聞 你再細細講一輪 我們愛的好州縣 你把他好處說幾件 尊聲大人你請聽 李官好處說不清 他在臨湘八個月 百姓喜得了不得 別個縣官下鄉來 幾十個親兵幾十個差 李官下鄉差兩個 一乘小轎他自己坐 一把傘打在轎頭前 沒有頭繩和烏索鞭 別個官問案多威武 公差幾十個狼和虎 齊聲一喊叫收堂 鄉內人嚇得好慌張 李官他愛人看問案 兩三個差在旁邊站 坐了二堂把門敞開 早飯之後聽你來 漫漫上堂緩緩講 驚堂木從來不見响 旁邊看的有老年人 他要你公同論一論 從容勸了從容斷 十案當堂結九案 別个官不止問案煩 到了結案更為難 進門房先把規矩講 規矩名目十多條 規矩紅票交不齊 那個准你具稟依 李官的遵依當堂具 不具也就隨你去 他說只要原告去 衙門人逼字為何由 他當堂放了你就走 書差氣得只發吼 別个官下鄉搭戶廠 開消總要三百兩 李官的夫馬我辦過 三十吊銅錢還有多 別个官出了一張票 八个公差八頂轎 李官一票一名差 公事未見他辦不來 別个官催糧如捉賊 不打一千也打八百 李官拿住了只完糧 未見他催糧坐過堂 別个官拿住糧完了 花消少也要十多吊 李官只要你把糧完 就花消不上串把錢 別个官難辦是供應 差總爺們如鬼索命 李官一餐五十個錢 一把算盤在轎門邊 別个官就是發了價手下人總要扣半把 李官起馬親結賬 合我們住店一個樣 如今人提起李縣官 十个五人淚不乾 說李官把我當兒子 我爺娘不過能如此 我問他官到任上來 告示總要出兩排 為何上任個多月一張告示也不貼 他說各人各性情 我生平不大愛圖名 有些官條規本是好 到底那一條真做了 我只想為民分得憂 面子上工夫一筆勾 我又去把他來問 好官多有拿認棍 你因何不肯捉認師 莫非性子太仁慈 他說認師來與認 無非攔得衙門動 狀子上面開一個花 平民一案就傾了家 我

湘報第七十七號

三百零五